

薑齋先生詩文集

薑齋文集卷八

船山遺書四十六

衡陽王夫之撰

賦三篇

闕一

祓禊賦

謂今日兮令辰翔芳皋兮蘭津羌有事兮江干疇憑茲兮
不歡思芳春兮迢遙誰與娛兮今朝意不屬兮情不生予
躊躇兮倚空山而蕭清閔山中兮無人蹇誰將兮望春

章靈賦

章顯也靈神也善也顯著神筮之善告也壬辰元日筮得睽之歸妹明年癸巳筮復如之

時孫可望挾主滇黔有相邀赴之者久陷異土既以得主而死爲歆託比匪人尤以遇巷非時爲戒仰承神告善道斯章因賦以見

居調軫以理誓兮連權兆而哲夢

莫紅切

系綏擇以搖搖兮

憂期愆而恤豐

爾雅權始也夢不明也易愆期有待又豐亨王假之勿憂王弼曰得豐亨乃可勿憂

恤亦憂也閒居調其軫念之情以自理所誓之志故必稱引初始述祖考之肇啟者以開其蒙昧王之得姓自太原世系綿衍丁此亂世如冠之垂綏木之有華搖搖其恐墜也故既憂有待之期或愆抑以未豐而亨爲恤進退維谷懼忝爾所生也

皇濠泗飛以試囚兮余祖御乎揚之土靖協勞于淖池兮

采赤麓以剖戶蟬考葉之文潛兮玉書宛其舒心筮鴻柯

之非集兮珍海翮而息南

叶○食邑曰采蟬蟬聯也麟吐玉書春秋以作鴻掌而不爪枝

柯非其所集南溟之化六月而息太祖始起於濠泗當龍躍在淵之時始祖驍騎公從揚之高郵舉兵應之迨成祖靖難又協贊成勞於淖沱河故剖萬戶之封食采赤帝之麓爾是蟬聯不絕逮顯考徵君以文章理學起

家受業安成傳春秋大義天啟初用特徵入貢太學時不能用將授以散秩非所宜見歸而隱焉

眇熹光之麗形兮凌太白而揆初雖列清其迹垢兮抑寒

銑而善痛凜不知其逾涼兮抽已秋之餘琴

熹微明也人生而形具明

斯麗之其始生則向熹微然余生以九月朔旦金氣方盛而揆日在初雖秉氣清剛而寒銑不昌乃雖邁凜秋而猶爭夕秀其於時固已難矣

鄉升廉以脂轄兮齊

側皆切

明夜以庶格猗猗午於周原兮

歸魂

肥

其猶未莫

謨白切

○脂脂車也午旁午也

通肥切。脂脂車也午旁午也。悲遜方上公車冀得出身致主齊明夙夜庶有威通乃李自成犯順於秦晉。曰蹂踐於畿南狼狽南歸冀全肥遁而張獻忠入楚湖南全陷奔竄不甯

勝調

周

飢於紫黿兮永眇視於躍馬奮殘形以殆庶兮危

季歎於撩虎

勝龔勝王莽贊紫色鼉聲永任永三都賦公孫躍馬以稱帝易顏氏之子其殆庶乎季柳

下季莊子柳下惠以孔子見盜跖而歎之子曰撩虎鬚幾不免虎口癸未冬張獻忠陷衡州捕人士補僞吏時絕食傷肌以脫其汚庶幾龔任二子之意然其得免虎口者僅矣

釋余桎於曾波兮導告余浸以滔天行汨災而后嬰兮馬

壯拯其無人哀輪縈以疇愁兮龔宵永而辭晨

天叶○曾層通導導

人戒塗者也易用拯馬壯言救難當健速也張獻忠入蜀湖南稍雷甲申春李自成陷京師思廟自靖五行汨災橫流滔天禍嬰君上普天無與勤王之師者草野哀痛悲長夜之不復旦也

鷗偃皇而狂僨兮蠢蹊田而奪之豈弗悶其終沈兮荼良

苦其將將之步岑辭以涓友兮援余戈而徂征孤拊和其

怒節兮乾時潰其誰榮

國策鷗蚌相持漁人兩得之語云孤掌難鳴春秋不諱乾時之戰言

能與讐戰雖敗猶榮□□□□□□未久旋亦敗滅如
鵲蚌之持徒爲漁人之利牽牛蹊田而牛亦奪也□□
爲得哉故涉厯險阻涓戒同志枕戈待旦以有事焉而
孤掌之拊自鳴自和至於敗績雖云與讐
戰者敗亦非辱而志事不遂亦何榮耶

驂傲余以荒術兮皇雖阻其猶平叶胡釋余祖之亨遇兮

吝余策於南條邇申申其離卽兮余情婉以終留陳介李

其曷共平聲兮慙有心而長區烏侯切○荒大也術路也邇

也舉兵不利遂繇郴桂入粵皇路可通雖險阻如平夷
也先世旣以從王起家胡爲釋此不圖而吝南征之策
也戊子冬旣至行關所見尤爲可憂遲回再四已復歸
楚而情終繫主己丑夏復繇閒道赴關拜行人雖陳力
之無可致其靖共而悲憤有
懷不能自匿故有死諍之事

荃服驚而未閑兮或進黜而善啼軒聆律於和素兮夔繇

庚其若蹊煖女離而長謠兮矧既雨而中霰余皎固殉於

所字兮蒼天正余以無奔虹奇居宜切色其眾媚兮睽星樞

以思存蹇疾頽而嬰疹兮返牢茲以行路迹違魏以率野

兮魂悽悽其念故荃芳草喻君服乘也軒軒轅和索累和

再也霽霽也奇奇哀不正也牢茲深閉也魏魏關時山

陰虞山二相公孤忠濟難反蒙主疑而朱天麟王化澄

吳貞毓郭之奇萬翺流輩猶恣奸佞得進用結叛臣陳

邦傳下諫者金堡等於獄幾杖殺之夫哲愚之量今古

不齊有黃帝之聰則和索可察若一足之夔則坦道如

蹊然則眾人之憤憤固不能欺余心之炯炯矣時值傾

覆若谷摧之煖此離之女既不能已於長謠況幸值事

幾之可為若久旱之雨而姦邪偷一日之利更欲圯壞

如乍雨重霽安能不益其痛哭耶唯余一意事主不隨

眾狂而孤立無援如彼何也羣姦畏死貪賂復陰載係

可望如舍日而媚虹北辰固為天樞非彼所思存睽而

去之如遺屣矣既三諫不聽諫道窮矣乃以病乞身遂

離行闕而心念此去終天無見
吾君之日離魂不續自此始也

符威淪余離凶兮欣長摧而數訛詛余志之不充兮疇飾

非於未化

叶○威滅淪喪之禍果合符於所諫庚寅冬兩

天不即與孤臣以死數之訛也靜言自責蓋亦志之未
充故猶波流以有今日之生方之古人於斯媿也詎云
邈跡窮山不爲降吏遂得以天
日之誠文飾而致於貞夫之列

后適河以拂訓兮輔志鸛而逢怒配與旬其交佛兮何所

肆余之雅武屏服昧於蒸原兮震伐方以流耳□□旣余

之永仇兮王鉄亦維以悼紀徊葛荏余紕躓兮眎余天而

未可

叶

夙延清而飲虛兮紛莫知余之所甫

天王狩于河

臣召君不可以訓季文子曰見無禮於其君者猶鷹鸛
之逐鳥雀也易配主謂君旬均也謂所與同志事君也

佛戾也武步也屏退也服用也昧幽也蒸水出耶薑山
今謂之黃帝嶺時所避地近其處易震用伐鬼方震大
臣之象王鈇見鶡冠子謂天子之大權葛蔓草荏柔木
言相糾縈動卽仆躓天所宜尊者甫美也時上受孫可
望之迎實爲所挾旣拂君臣之大義首輔山陰嚴公以
正色立廷不行可望之王封爲可望賊殺君見挾相受
害此豈可託足者哉是以屏迹居幽逖於蒸水之原而
可望別部大帥李定國山粵楚屢有克捷兵威震耳當
斯時也欲留則不得乾淨之土以藏身欲往則不忍就
竊柄之魁以受命進退縈回誰爲吾所當崇事者哉旣
素秉清虛之志以內決于心固非
悠悠紛紛者能知余之所好也

思崩登之逝絕兮介習歛其無幾皓汔染于中遷兮歎頽

齡其曷改

叶

鳬唼鱸而泛行兮愈流眄以怡旃鷗遂胥以

召嬉兮誠不信其已然

爲不善如崩易斯速也爲善如登難斯勞也其始也一幾之決其終

也相去邈絕矣其幾微之介習汶難知而轉移歛倏使以皓素之姿聊且受染於淄黃而中變其故則終至暮

年不可復改是則素抱清虛之志者安能妄投於一試耶夫泛泛之鳬隨波而喙魚則人益喜其流蕩怡我心目若神雀忘其內美而亦與羣遊以致人之歎賞斯物情之所賦而亦事之所必無者也故余之所甫自非紛紛者之可得而知

屯建子于錫侯兮蒙納耦以受寅

叶

豈初柔之讓易兮麗

險窞之何姬

叶力魚切如字

曰維命余不猶兮奚懟位其不夙胚

父壯以濟童兮妃內景而中穆頰思返於貞牝兮哲懼膏

之致焚窳余不知其畔兮遵原筮以得垠

參同契云屯納子蒙受寅謂屯

陽在初蒙陽在二也屯以濟難蒙以養正其用別矣納耦者謂蒙二納婦吉退治內也夫屯蒙各有一陽在內卦屯以蚤見剛健得建侯之利蒙豈不然而以柔居初成坎險而讓平易所以然者則時在蒙昧不宜急見其剛才素位遲疑無容怨也唯是保乾父之剛內藏其健納坎水之景中守其明則蒙昧可濟而和靖於心是故

李萼赴顏公之招臧洪同張邈之死成敗雖殊而道在
經綸故得以烈聲自遂今所遇非人蒙晦無可別之跡
則出身磐桓不獲如彼命之不猶唯含貞韜明而已位
既不夙其可爭乎俯而自思返於正順以遠膏火之焚
故事幾幽杳而生平素尚甘於
戢退斯有垠岬之可遵者也

明當無以尙冲兮非廢用而頽滑康違堪以木形兮激契

闕于履發儷龍元其貞庸兮矧秉禮于鄉闕

老子云當其用頽廢滑亂也嵇康絕交書自言七不堪人目康土木

形骸謂不尙飾也契闕不合也履湯名發武王名子曰

老子其猶龍乎又人謂嵇康龍章鳳質儷龍謂二子皆

如龍者二子以元爲尙然且在老則以無爲用非並用

而廢之以恣滑亂在嵇則非湯武之征誅而不徇司馬

況秉禮教於鄉里闕黨者其得弗擇地善行而徒取進

乎趨

維食陰而質滋兮必吸清以填形爽脈叛其不來兮石頑

隕而失星哀冰惻此絲鼎兮慙棘繆其難康重遄情于荃

側兮怨霄路之何長

爽清淑之氣也脈微動也霄路天路夫鄒魯之教以理人性以正人紀盡

之矣夫人之生食陰濁以滋形質而必受清剛之氣於天乃以充其體而善夫形色倘此清剛之氣見利斯昏叛去形質之內則如星隕爲石不復得爲星矣所以懷冰自戒憂此一絲之繫九鼎慙于紕蹟之塗懼不得夫安步也其自念名義旣如此矣而愛主之心尤不能忘遄寄此情欲往就之姦雄窒路如天難登如之何其弗怨也

狂憤憂而自棄兮耿三歲而子遷遠清塵余穉慕兮抑朋

蹇其企連巴骨出而仍掉兮虎靈藉而養異尸鼎號以膺

庸兮矧自古之多券

穉慕如穉子之慕親也易大蹇朋來又往蹇來連謂相率以濟蹇也巴巴

蛇也巴蛇吞象三年而出其骨掉掉尾也藉假也鼎大也鼎號謂天子之大命尸如祭者之尸代居其位庸功

也自違君側以來於茲三歲而孤踪屢遷望屬車之清
塵而深其慕憶蓋願得朋以出大蹇倘值其人樂與來
連者矣乃如可望者若巴蛇之飽颺尾而游而大君之
威虎爲狐假反退養夫巽順若此者豈足以有爲神器
大名不可以久借功之無成固其所矣桓溫失志於枋
頭劉裕覆師於關內今古如一有心者去之唯恐不速
也

遂託膏

去聲

以歸音兮雖先露其何怨鄰化哀而狎悻能兮

豈不知秋駕之可學媒與鳩其逕搖兮覆悔幾之先覺夢

宵征之輕馳兮畏失轡于罔決

叶

昏左次余騷煢兮傲神

憫而啟彭

哀公牛哀也七日而化爲虎離騷鮀悻直以亡

子罔泱荒遠貌彭行也使爲可望者能如郇伯之爲膏
雨俾得遂所託以西歸則雖盡先晨露固所願也以今
者所居非乾淨之土所鄰而狎者皆化獸之人則豈不
欲學御而得以馳驅哉乃其或爲良媒或爲毒鳩逕雜

搖搖胥不可測既已覺其不可託是以逗留而不往則將使我終不得遂西歸之志者斯幾先之覺也使茫然未覺則往而不叶歸于一死而已豈不愈于鄰虎而狎能哉故曰悔也既已覺之則非死之恤而失身之爲憂是以夢輕馳而終畏罔決人之已窮神或通之故當左次憂獨之際希冀神之見憫而啟以所當行焉

壽勉釋余之勞緒兮曰窮通天以迓之帝攸箕以貞倫兮

範有事於稽疑祓端策而氛眊兮火出澤以章景宗廟震

于悔端兮勞再告而益昞

傳友也箕箕子火出澤上睽卦六爻初士二大夫三卿四公

五天子宗廟震動也內卦爲貞外卦爲悔上九老陽變動故曰震于悔端再告益昞謂凡兩筮皆睽上九神之所告其義甚明疑可決矣

好述暱其妹俟兮狷貌之庸猜施膚寸以征合兮羣淫解而卷霓誠猗溷其難測兮魍馮軾而增怪叩孤清以弗堪

兮歧不訥其所夫

猜叶○此演睽上九之辭而詳玩其占

好迷而毋庸猜則所謂姝媛以俟謂婚媾也猜寇也既爲合不崇朝而徧天下則雨矣雨則霓爲之卷藏正氣昌而淫氣不成如此者以征則疑釋而道合所謂往遇雨則吉也豨豕也溷不潔也謂豕負塗難測其不潔之心也魍鬼也馮軾在車中也謂載鬼一車其情增人之怪也豕負難測之穢鬼增妖怪之情則以睽孤之道處此而欲保其清貞固難堪矣夫曰婚媾曰遇雨似宜往者也曰鬼曰豕又似不宜往者一爻之占歧而不合安能訥而決之

哉決決也

訟徙倚而倘逢兮象既章余以崇別女同閨其各袂兮孰

嫫與施之可頡眾美少之膏濡兮忘衷狠於飾柔中

仲 滔

耀其瞳矐兮盟登天而果求雖輿禘其勿恤兮矧歿矢之

有時保昆烈以延昭兮總杲質於素思

頡叶○訟內訟也中心聚疑如聚訟

然徒倚不定也睽之象曰二女同居其志不同行袂所以自飾者嫫嫫母施西施少少女兌也膏濡澤之美也兌內剛外柔柔以飾狠也中中女離也渙耀瞳矐日之光也登天照四國也輿稊亦載鬼之義攷矢謂後說之弧也昆大也延昭謂致光于身也總合也睽上九之象辭其疑不易决也如彼中心聚訟欲得遇卦意以决之乃觀于象而知睽之爲道不苟同而尙別二女之志不同美之與惡豈可頡頏而同居哉今卦爻之動不動于兌而動于離且睽者離宮初世之卦則道宜用離明而不宜用兌說眾人無知爲少女所惑慕其膏澤而忘其衷情之狠躁則以可望爲歸者固矣若夫中女之含光以照四國者則非專壹其心于忠貞者不能求也使誠得主而爲之死雖鬼車其勿恤況今之張弧者自有其說弧之時命在天而志在己唯觀其象玩其占保吾正大光明之氣以體白日於丹心而已奚復問津于少女之悅狠羊之躁哉於占旣然素志亦爾神與心協守其昭質暗投之侶必謝幽棲之志益堅矣

亂曰天昧冥遷美無耽兮方煖爲澤已日霏兮鑿砒孔勞

矧懷婪兮督非我經雌不堪兮專伏以需師翰音兮幽兆
千里翼余忱兮倉悅寫貞疾煩心兮質仁無貪怨何尋兮
侵覃二韻通叶○天理也昧幽也耽久著也已日更一
日也鑿熟春也秕粟皮莊子緣督以爲經督如人身之
督脈居中而行于虛善不近名惡不近刑不凝滯而與
物推移所謂緣督也倉悅憂貌質求也天理幽隱初無
定在遷移于無迹之中則昔之所可今或否矣其得立
一必美無惡之事以耽著而沈溺之哉如方久旱則得
雨爲澤更日不止又爲苦霪方其四海淪胥不餘尺土
則矯制興師者固以足音慰空谷而久假不歸覺深改
玉名爲漢相實漢賊矣君子之不幸而當此也留則河
山非有往則逆順無垠求以潔身而報主者如繫稊求
精亦已難矣況敢懷富貴之褊心當去留之大事乎與
物推移而知雄守雌以苟全其身而得利涉旣非所能
爲則將退伏幽棲俟曙而鳴今孤臣在千里之外吾君
介存亡之間往逕旣絕來踪未卜唯幽冥之中若有朕
兆可翼余忱以必達人不可謀天不可問寸心孤往且
以永懷思主則愴悅而煩心求仁則堅貞而不怨章靈